



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 101. Augusta Vindellicorum a Gallo-Suecis incassum obsessa.

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

Sæc. XVII.
A. C. 1646.

§. CI.

Augusta Vindelicorum a Gallo-Suecis incassum obsessa.

*Kham.
part. I.
Cathedr.
Hier. Sten-
gel. comm.
rer. August.*

Tot victoriis tumidi Gallo-Sueci Augustam Vindelicorum cum tribus validissimis exercitibus, Gallico & duobus Suecicis ductoribus Turrenio, Urangelio, & Königsmarchio cingere molliuntur, a Lutheranis ad hanc obsidionem incitati. Erat eo tempore Urbs necessariis destituta præfidiis; opportune tamen per medias hostium copias Franciscus Royerius cum tribus quatuorve Bavarorum centuriis die vigesima quinta Septembris in civitatem penetraverat, qui delectu habito nonnisi mille quadringentos equites, sexcentos præfidiarios, & totidem cives Catholicos unacum quinquaginta studiosis propugnandæ Urbis idoneis recensere poterat. Die vigesima sexta ejusdem Mensis Sueci mane ex suggestibus Lechufii exstructis Urbem diversis partibus quater inceptere, verum inde recedere compulsi die sequenti quasdam legiones Hauttettani & Oberhusii locarunt, obstructisque aquæductus ostiis non exiguam farinæ panisque inopiam in urbem induxere; Tum vero totius belli instrumentis & apparatus ad pontem Wertachen

tachensem & portam Klenggerianam Sæc. XVII.
 per quatuordecim dies actum est, ac A. C. 1646.
 ne punctum quidem temporis oppugna-
 tio respiravit: injiciuntur in urbem si-
 lices prægrandes e mortariis, & pene
 innumeri majoris minorisque molis glo-
 bi e belli tormentis: irrumpunt sæpius
 hostes, semper tamen accepta luculenta
 clade retrocedere coacti: incendunt ite-
 rum iterumque Lechusium, necnon ar-
 cem & urbem Fridbergam cum octo
 vicinis pagis, aliisque quamplurimis
 locis: impigre tamen Magistratus cives-
 que Catholici propugnandæ urbi in-
 sudant. Lutherani contra, dira quæ-
 vis, si res male cederet, Catholicis
 minitabantur, ac matronæ, Virgines,
 puerique Lutherani flexis genibus
 Duumviros, Bellique Præfectos roga-
 bant, ut urbem Suecis traderent. Dies
 erat undecima Octobris, qua quidam
 centurio ab hoste captus elusis vigiliis
 in urbem transfugit, nuntians, quod
 Gallo-Sueci comperto Leopoldi Archi-
 ducis adventu, omnia belli tormenta
 præter quinque revexissent: Constitit
 huic relationi fides quoque, veritas-
 que; quamvis enim hostes eadem die
 aggeres & valla ad portam Wertachen-
 sem valida impressione aggressi essent,
 suumque exercitum in tria agmina, ge-
 neralem impressionem simulantes parti-
 rentur,

Sæc. XVII
A. C. 1646

rentur, nihilominus sequenti die magna per tenebras festinatione & trepidatione primo sua castra deseruere, ac tandem die decima tertia Octobris obsidionem solverunt, iterata obsessorum eruptione acriter laceffiti. Tantum hosti terrorem incusserat fama de adventu Leopoldi; hic enim, ut Ingolstadtium & Ratisbonam ab hostili incurfu tegeret, Joannem de Werth cum quatuor Equitum millibus eo præmiserat, ipse vero flexo paululum itinere prope Ratisbonam trajecto Danubio Fridbergam cum triginta Equitum peditumque millibus contendit, copiisque in aciem dispositis prope Lechusium hostile vallum duobus belli tormentis instructum occupavit, ac centum Suecis ad pontem Lyci superiorem trucidatis, juncto demum duobus pontibus lyco cum valido Equitum Cæsareorum agmine hoc flumen trajecit, atque ad ejus ripam collocatis aliquot tormentis hostem Oberhusio expulit, urbemque die decima quarta Octobris victor ingressus est: Sueci autem in Sueviam recesserunt, quos tamen Archidux strenue insecutus est, ac demum per Mindenheimium ad Riedam prope Memmingam concessit, hostem annona & pabulatione prohibiturus: Verum Sueci festinato ad Lycum itinere Landspergam, ubi

*Adam. re-
lat. Hist.
c. 20. §. 2.*

ubi magna erat annonæ copia, expu- Sæc. XVII.
gnarunt, ac miserandum in modum di- A. C. 1646.
ripuerunt, quam tamen urbem æque
ac Schongavium capto Weilhemio pau-
lopost deseruere. Mindelheimium vero
& Donawertham recuperarunt. Ita
demum speciali Dei providentia, ho-
stibus ab Augustana urbe depulsis dis-
sipata fuere Gallo-Suecorum & Prote-
stantium consilia, quibus constitutum
erat, Augustam in belli arcem erigere,
indeque totam ejus molem in reliquam
Sueviam, Bavariam, Austriam, & di-
tiones Cæsaris hæreditarias convertere,
pactis dein induciis, copias suas per
istas Provincias distribuere, & rebus
Cæsaris & Bavari ad incitas redactis,
quas vellent leges utrique præscribere.

§. CII.

*Cæsareorum victoriæ contra Suecos,
Hassosque.*

Hoc item anno Melander, qui quon- *Barre Hist.*
dam Hassici agminis Dux Cæsaris *d' Allemagn.*
figna sequebatur, ex Veteravia in a- *t. 9. p. 806.*
grum Coloniensem digressus, Zonsam
oppidum ab Hassis cinctum obsidione
liberavit, inde vero latius penetrans,
Euskirchium ejectis Hassicis copiis Co-
loniensi Electori restituit, emissoque
Balduino Remontio Widenburgæ Præ-
fecto